

ურთიერთანამშრომლობის მემორანდუმი

ქ. თბილისი

2016 წლის 13 იანვარი

ჩვენ - ერთის მხრივ ინფორმაციის თავისუფლების განვითარების ინსტიტუტი (IDFI), წარმოდგენილი დირექტორის, გიორგი კლდიაშვილის სახით (შემდეგში ინსტიტუტი) და მეორე მხრივ, საქართველოს ეროვნული უნივერსიტეტი სეუ(შემდეგში- უნივერსიტეტი), წარმოდგენილი მისი რექტორის გია კავთელიშვილის სახით, კეთილი ნების თავისუფალი გამოვლენის საფუძველზე გამოვთქვამთ მზადყოფნას ამ მემორანდუმის ფარგლებში ურთიერთანამშრომლობის თაობაზე და ვთანხმდებით შემდეგზე:

მუხლი 1. ურთიერთანამშრომლობის მიზანი

მხარეები, საერთო ინტერესებიდან გამომდინარე, როგორებიცაა: აკადემიური უმაღლესი განათლების ფარგლებში სტუდენტების პროფესიული მომზადებისთვის ხელის შეწყობა, სასწავლო პროცესში სტუდენტების მიერ მიღებული თეორიული ცოდნის პრაქტიკული საქმიანობით განმტკიცება, პრაქტიკული უნარ-ჩვევების გამომუშავება, კვალიფიციური კადრების მომზადება, საერთო ადგილობრივი და საერთაშორისო პროექტების/კონფერენციების განხორციელება და ორგანიზება. თანხმდებიან, ითანამშრომლონ აღნიშნული მიზნების მისაღწევად და განახორციელონ ერთობლივი, ურთიერთ შეთანხმებული საქმიანობა.

მუხლი 2. ურთიერთანამშრომლობის ფარგლები

პირველ მუხლში დასახული მიზნის მისაღწევად მხარეთა ურთიერთანამშრომლობა მოიცავს უნივერსიტეტის საერთაშორისო ურთიერთობების საგანმანათლებლო პროგრამის სტუდენტებისათვის შესაძლებლობის მიცემას, სასწავლო პრაქტიკული მომზადების კურსი გაიარონ ინფორმაციის თავისუფლების განვითარების ინსტიტუტში დასაქმების პერსპექტივით. აგრეთვე, მხარეებმა ერთობლივად განახორციელონ სხვადასხვა აქტივობები.

მუხლი 3. მხარეთა უფლება-მოვალეობანი

3.1. ინფორმაციის თავისუფლების განვითარების ინსტიტუტი:

ა) უზრუნველყოფს სტუდენტების მიერ ინფორმაციის თავისუფლების განვითარების ინსტიტუტის სასწავლო პრაქტიკის გავლის ორგანიზებას, სტუდენტებისთვის დამოუკიდებელი მუშაობისა და შემოქმედებითი ინიციატივის გამოსავლენად საჭირო

ყველა პირობის შექმნას და მათ დახმარებას პრაქტიკის პერიოდში წამოჭრილი საკითხებისა და პრობლემების გადაწყვეტაში; სასწავლო პრაქტიკის წარმატებით დასრულების შემთხვევაში ინფორმაციის თავისუფლების განვითარების ინსტიტუტი შემოღებისდაგვარად უზრუნველყოფს მათ დასაქმებას;

ბ) ხელიშეუწყოს სტუდენტებს სამეცნიერო კვლევებზე მუშაობაში, აგრეთვე, პროექტების და კონფერენციების ორგანიზებასა და განხორციელებაში;

გ) ინსტიტუტის ექსპერტები მოამზადებენ და წაიკითხავენ ლექციებს უნივერსიტეტში ღია მმართველობის, საჯარო ადმინისტრირების, საერთაშორისო ურთიერთობების, სოციალურ-ეკონომიკური პოლიტიკის, ისტორიის თუ სხვა თემებზე.

3.2 უნივერსიტეტი:

ა) სტუდენტების მიერ სასწავლო პრაქტიკის ნაყოფიერად და წარმატებულად გავლის მიზნით უზრუნველყოფს შესაბამისი უფლებამოსილი პირის აქტიურ თანამშრომლობას სასწავლო პრაქტიკის კოორდინატორთან და თავისი კომპეტენციის ფარგლებში მონაწილეობს პრაქტიკის პერიოდში წამოჭრილი საკითხებისა და პრობლემების გადაწყვეტაში;

ბ) ხელიშეუწყოს სტუდენტებს სამეცნიერო კვლევების განხორციელებასა და წარმოებაში. აგრეთვე, პროექტების და კონფერენციების ორგანიზებასა და განხორციელებაში;

გ) მოიწვევს ინსტიტუტის ექსპერტებს სალექციო კურსების წასაკითხად.

მუხლი 4. დამატებითი დებულებები

4.1. ეს მემორანდუმი ძალაში შედის ხელმოწერისთანავე.

4.2. მემორანდუმის მოქმედება შეიძლება შეწყდეს მხარეთა ინიციატივით. მემორანდუმის შეწყვეტის ინიციატორი მხარე ვალდებულია ამის თაობაზე მემორანდუმში ცვლილებების შეტანამდე არა უგვიანეს ერთი თვისა აცნობოს მეორე მხარეს.

4.3. მემორანდუმი შედგენილია ორ ეგზემპლარად და ხელმოწერილია მხარეთა მიერ. თითოეულ მხარესთან ინახება ხელმოწერილი მემორანდუმის ერთი ეგზემპლარი.

მხარეთა რეკვიზიტები

ა(ა)იპ ინფორმაციის თავისუფლების განვითარების ინსტიტუტი (IDFI)
მისამართი: ალ გრიბოედოვის ქუჩა № 3.
თბილისი, 0108, საქართველო.

შპს საქართველოს ეროვნული უნივერსიტეტი სეუ (SEU)
მისამართი: წინანდლის ქუჩა N9
თბილისი, საქართველო

დირექტორი: გიორგი კლდიაშვილი

რექტორი: გია კავთელიშვილი

